

TEZAUUR LITURGIC
28 OCTOMBRIE

ACATISTUL
SF. IERARH
DIMITRIE,
MITROPOLITUL
ROSTOVULUI



MOSCOVA, 2000



Акафист

святителю Димитрию,

митрополиту Ростовскому,

чудотворцу

Кондак 1

Возбраннѣй чудотворче и изряднѣй уго́днице
Хри́стовъ, многоцеле́бный чудесъ исто́чнице,
неисчерпа́емая благода́ти хода́таю, тёплый
моли́твенниче, вели́кий святителю Хри́стовъ
Димитрие, я́ко имѣяй дерзнове́ние ко Хри́сту
Бо́гу на́шему, от всякихъ насъ бѣдъ свободи́
зову́щихъ:

Ра́дуйся, Димитрие, но́вый и вели́кий
чудотворче.

Икос 1

А́нгел нра́вом, а́ще и челове́къ естество́мъ бы́л
еси́, святителю Димитрие: от са́мыхъ бо млады́хъ
ногте́й у́м твой, пренебре́гши земна́я, в небеса́я
вперилъ еси́, и плоть нося́, о плоти́ нерадилъ еси́.
Тѣмже и всели́ся в тя́ Пресвяты́й Ду́х, Егоче́ тя

обита́лищем бы́ти уве́девше, похва́льная
воспису́ем ти́:

Ра́дуйся, незло́бием твои́м А́гнца,
прорече́ннаго Иса́ием, подража́вый;

ра́дуйся, милосе́рдием ни́щия препита́вый.

Ра́дуйся, воздержáнием а́нгелов удиви́вый;

ра́дуйся, постóм и моли́твою плóть твою́
удручи́вый.

Ра́дуйся, к подвла́стным чадолюб́ивым отце́м
бы́вый;

ра́дуйся, стра́ждущия сердобо́лием
утеши́вый.

Ра́дуйся, вмéсто тлéнных нетлéнная
стяжа́вый;

ра́дуйся, небéсный челове́че.

Ра́дуйся, земный а́нгеле;

ра́дуйся, Ду́ха Свята́го сосúде избрáнный.

Ра́дуйся, Правосла́вия ревни́телю;

ра́дуйся, душепа́губных раско́лов
искорени́телю.

Ра́дуйся, Димит́рие, но́вый и вели́кий
чудотво́рче.

Кондак 2

Ви́дяще оби́льную реку́ чуде́с и исцеле́ний, от святы́х твои́х моще́й истека́ющую, благоговéния и ра́дости испо́лншеся, благодаримъ Бóга, прославля́ющаго святы́я Своя́, Ему́же и о тебе́ вопи́ем: Аллилу́ия.

И́кос 2

Ра́зум и́стиннаго богосло́вия внуша́я ча́дом Христо́вым Цéркве, златослове́сными поучéниями утвержда́л еси́, ерети́чествующих же раско́льников, привлекая́ к спаси́тельному единомы́слию, в заблужде́ниях облича́л еси́, за таково́е твоё о душа́х на́ших попече́ние взыва́ем ти́ сице:

Ра́дуйся, тайнниче Пресвяты́я Трóицы;
ра́дуйся, проповéдниче неисче́тных чуде́с Бо́жиих.

Ра́дуйся, апо́стольских предáний блюсти́телю;
ра́дуйся, бры́нских душегубцев победи́телю.

Ра́дуйся, пла́меню, е́реси пожига́ющий;
ра́дуйся, грóме, устраша́ющий
соблазня́ющия.

Ра́дуйся, свеще́, Бо́гом возже́нная, мра́к
нече́стия разгона́ющая;

ра́дуйся, звездо́, пу́ть ко спасе́нию
показа́ющая.

Ра́дуйся, тимпа́не, Бо́жию сла́ву бряца́я;

ра́дуйся, орга́не Ду́ха Свята́го.

Ра́дуйся, Правосла́вия ревни́телю;

ра́дуйся, душепа́губных раско́лов
искорени́телю.

Ра́дуйся, Димит́рие, но́вый и вели́кий
чудотво́рче.

Конда́к 3

Си́лою благода́ти Бо́жия е́ще во вре́менной
жи́зни прия́л еси́ вла́сть, свя́те Димит́рие, неду́ги
исцеля́ти и бе́сы изгоня́ти. По сме́рти же тво́ей
наипа́че просла́ви тебе́ Всемо́гущий Бо́г мно́гими
чудотворе́ниями, да вси́, взира́я на си́е, усер́дно
притека́ют ко исцелению́ тобо́ю от неду́гов
телесных, а па́че душе́вных, Бо́гу же вопию́т:
Аллилу́ия.

И́кос 3

Име́я неусы́пное попече́ние о спасе́нии ду́ш,
вве́ренных тебе́ от Бо́га, святи́телю Димит́рие,

па́стырски к душеспа́сительной жи́зни и сло́вом и са́мым де́лом, показу́я неле́ностный по́двиг в подража́нии святы́м Бо́жиим, непреста́нно наста́влял еси́. Сего́ ра́ди приими́ от на́шего усер́дия досто́йныя похва́лы тебе́:

Ра́дуйся, па́стырю до́брый, заблужда́ющих по го́рам суемуд́рия взыска́вый;

ра́дуйся, бла́гий ра́бе и ве́рный, да́нный тебе́ от Го́спода тала́нт усугу́бивый.

Ра́дуйся, де́лателью виногра́да Христо́ва;

ра́дуйся, благоче́стия сто́лпе неподви́жимый.

Ра́дуйся, твёрдое забра́ло Христо́вы Це́ркве;

ра́дуйся, щите́, защища́яй благоче́стие.

Ра́дуйся, мечу́ острей́ший, посека́яй злоче́стие;

ра́дуйся, непоколебимо́е Правосла́вия основа́ние.

Ра́дуйся, твёрдый ка́меню ве́ры;

ра́дуйся, корми́ло церко́вное, управля́ющее ве́рных к тихому приста́нищу.

Ра́дуйся, Правосла́вия ревни́телю;

ра́дуйся, душепа́губных раско́лов искорени́телю.

Ра́дуйся, Димі́трие, но́вый и вели́кий
чудоотво́рче.

Конда́к 4

Бу́ря ересей от преиспо́дних, чрез А́рия по
Гре́ции возродив́шаяся, а в послéдняя лéта
про́исками Марти́на Армени́на чрез бры́нских
скитонача́льников возниќшая в на́шем
оте́честве, гото́ва была́ опровергнуть ти́шину
еди́ныя, святы́я собо́рныя и апо́стольския
Цéркви. Ты́ же, па́стырь до́брый, положи́вый
ду́шу твою́ за о́вцы, прогна́в о́ных
душепа́губных волко́в, бу́рю суемуд́рия укроти́л
еси́, ве́рныя же научи́л еси́ Триипоста́сному Бо́гу
взыва́ти: Аллилу́ия.

И́кос 4

Слы́шаша суемуд́реннии раско́льницы твоё к
ни́м изобличéние, е́же ты́, болéзную о сердéчном
и́х заблуждéнии, написа́л еси́, возбеси́шася зело́
зело́, и мно́жество из ни́х вмéсто до́лжнаго
исправлéния а́дский пла́мень изры́гнуша на тя́;
ты́ же, я́ко твёрдый адама́нт, под уда́рами зло́бы
и нéнависти не измени́лся еси́. Сего́ ра́ди
Цéрковь свята́я блажи́т тя́ привéтствии сими́:

Ра́дуйся, а́нгелов сожителю́;
ра́дуйся, апо́столов преёмниче.

Ра́дуйся, святителей сопресто́льниче;
ра́дуйся, Росси́йский златоу́сте.

Ра́дуйся, Спиридо́ну, вели́кому Васи́лию,
Григо́рию Богосло́ву и про́чим вели́ким
святителям единочестне;

ра́дуйся, Никола́ю Мирликийскому и Мелети́ю
Антиохийскому единоправне.

Ра́дуйся, преподо́бных собесѣдниче;
ра́дуйся, мона́хов и по́стников наста́вниче.

Ра́дуйся, му́чеников удобре́ние;
ра́дуйся, пра́ведных украше́ние.

Ра́дуйся, Правосла́вия ревни́телю;
ра́дуйся, душепа́губных раско́лов
искорени́телю.

Ра́дуйся, Димитрие, но́вый и вели́кий
чудотво́рче.

Конда́к 5

Боготѣчная звезда́ яви́лся еси́ в течѣнии
твоѣм, еже ты́ соверша́л еси́, свое́ устра́я
спасѣние; примѣром же вѣрных ду́ши назидая́,
научи́л еси́ благоприя́тно пѣти Бо́гу: Аллилу́ия.

И́кос 5

Ви́девше а́нгельстии чѣнове ещѣ во
врѣменной жи́зни вели́кие твоѣ по́двиги во
вся́ком благочѣстии и чистотѣ, удивля́хуся,
прославля́юще Человеколю́бца Бо́га, немощно́е
челове́ческое естество́ подкрепля́ющаго. Мы́ же
тя́, усѣ́рдно любóвию почита́юще, честву́ем
похва́лами сѣми:

Ра́дуйся, луча́ Трисо́лнечно́го Свѣта;

ра́дуйся, свети́льниче, на свѣщнице
церко́вном поста́вленный.

Ра́дуйся, свети́ло, пу́ть пра́вый показу́ющее;

ра́дуйся, во́ине Христо́в непобеди́мый.

Ра́дуйся, Единосущны́я Тро́ицы и́стинный
поборниче;

ра́дуйся, уста́ еретическая́ заградѣ́вый.

Ра́дуйся, златослове́сными уста́ми небе́сныя
и́стины веща́й;

ра́дуйся, вся́ своя́ имѣ́ния по словеси́
Госпо́дню прода́вый.

Ра́дуйся, еди́наго безце́ннаго бѣ́сера —
Христа́ Го́спода сниска́вый;

ра́дуйся, вма́ле бы́в ве́рен, над мно́гими
поста́вленный.

Ра́дуйся, Правосла́вия ревни́телю;
ра́дуйся, ду́шепа́губных раско́лов
искорени́телю.

Ра́дуйся, Дими́трие, но́вый и вели́кий
чудотво́рче.

Конда́к 6

Пропове́дник немол́чный та́йны Пресвяты́я,
Единосу́щныя и Неразде́лимья Трои́цы бы́л еси́.
Сего́ ра́ди пропове́дует Росси́я вели́чия Бо́жия,
показа́нная на тебе́, святите́лю Дими́трие, я́ко
прия́л еси́ да́р целити недуги́ душе́вные и
телесные, да вси́ еди́ным се́рдцем и еди́ными
усты́ воспева́ем Бо́гу: Аллилу́ия.

И́кос 6

Воссия́ в возлю́бленной Бо́гом ду́ше твоёй
блиста́ющий и́стиннаго богове́дения свёт на
освяще́ние и просвеще́ние ве́рных, его́же с
сладо́стью внима́ющи спаси́тельному уче́нию
твоemú ви́дяще, ве́рно позна́ем, я́ко и в
единонадеся́тый ча́с прише́дый, ра́вный с
древни́ми святы́ми и богоно́сными отцы́
дина́рий прия́л еси́. Те́мже восхваля́ем тя́ си́це:

Ра́дуйся, вме́стѣлице добродѣтелей;
ра́дуйся, досто́йное свѣты́ни жили́ще.
Ра́дуйся, мо́ре, нечѣстие ми́ра потопи́вшее;
ра́дуйся, крѣ́не благоуха́нный, чуде́сно
процвѣ́тший.

Ра́дуйся, сокрови́ще медото́чных уче́ний;
ра́дуйся, уневе́стивый ду́шу твою́ Жениху́
Христу́.

Ра́дуйся, смире́ния Его́ и́стинный
подража́телю;

ра́дуйся, ино́ческую нищету́ до конца́
сохрани́вый.

Ра́дуйся, вше́дый с му́дрыми в ра́дость
Го́спода твоего́;

ра́дуйся, благово́ние Ду́ха Свята́го.

Ра́дуйся, Правосла́вия ревни́телю;

ра́дуйся, душепа́губных раско́лов
искорени́телю.

Ра́дуйся, Димит́рие, но́вый и вели́кий
чудотво́рче.

Кондак 7

Хотя́ досто́йным о́бразом соверши́ти по́двиг, возложе́нный на тя́ от Бо́га, пе́рвее укрепля́л еси́ свою́ ду́шу прочита́нием жити́я святы́х, предпола́гая себѣ подража́ние о́ным. Та́же почу́вствовав по́льзу, из того́ проистека́ющую, не облені́лся еси́ бы́ти списа́телем жи́зни те́х, с ни́миже ны́не в невече́рнем све́те лику́еши, воспева́я Бо́гу: Аллилу́ия.

Икос 7

Но́ваго тя́ о нас моли́твенника, целите́ля ду́ш и телѣс, и ходата́я нам спасе́ния ве́чнаго стяжа́хом; но благода́рным се́рдцем и усты́ Бо́гу, толика́го чудотво́рца в на́ши времена́ дарова́вшему, досто́йно воспѣ́ти не могу́ще, тебе́, святите́лю и вели́кий уго́днице Христо́в Димі́трие, похва́льная дерза́ем приноси́ти си́це:

Ра́дуйся, все́м скорбя́щим прия́тное попече́ние;

ра́дуйся, ско́рый от вся́кия болѣ́зни и безме́здный врачу́.

Ра́дуйся, злы́х по́мыслов прогони́телю;

ра́дуйся, я́ко твои́ми моли́твами слепы́е прозре́ша.

Ра́дуйся, я́ко твои́м ходата́йством хромы́е и
безно́гие ходи́ти нача́ша;

ра́дуйся, я́ко тобо́ю от мно́гих бе́сове
отгна́шася.

Ра́дуйся, я́ко твои́м заступле́нием
разсла́бленные исцеле́ша;

ра́дуйся, ломотны́я и опухлы́я уврачева́вый.

Ра́дуйся, трясави́чных и огневи́чных боле́зней
целебни́че;

ра́дуйся, от неисце́льныя водяны́я и
ка́менныя боле́зни здра́ви возста́вивый.

Ра́дуйся, Правосла́вия ревни́телю;

ра́дуйся, душепа́губных раско́лов
искорени́телю.

Ра́дуйся, Дими́трие, но́вый и вели́кий
чудотво́рче.

Конда́к 8

Стра́нно неду́гом неве́рия одержи́мым
ви́дети, ка́ко в ме́ртвенном те́ле и тле́нном
возмо́жно а́нгельское проходи́ти жити́е
непреткнове́нно, и по успе́нии от еди́наго с
ве́рою прикоснове́ния к те́лу, нетле́нием
почте́нному, дивна́я соверша́ются. Мы́ же на

тебе́, святи́телю Дими́трие, но́вое чудес́
всемо́гущаго Бо́га собы́тие слы́шаще и ви́дяще,
моли́твами твои́ми врачу́еми, взыва́ем Ему́:
Аллилу́ия.

И́кос 8

Весь распали́вшись и́скреннею любо́вию к
Бо́гу, всего́ себе́ пре́дал еси́ во́ле Его́, и вся́
веще́ственная и тле́нная вмени́в уме́ты бы́ти,
ду́хом, душе́ю и се́рдцем возжелел еси́
наслажда́тися лицезре́нием Бо́жиим. Но ны́не
вся́ потре́бная тебе́ в ве́чность испроси́л еси́, не
забу́ди и нас, тре́бующих твоего́ заступле́ния и
ходата́йства, да те́м па́че похва́льная воспису́ем
ти́:

Ра́дуйся, Бо́гу соверше́нно угоди́вый;

ра́дуйся, вене́ц безсме́ртια жи́зни получи́вый.

Ра́дуйся, насыща́йся Бо́жия благода́ти;

ра́дуйся, проро́ками за объясне́ние их
писа́ний похвалённый.

Ра́дуйся, апо́столами за после́дование их
стопа́м ублаже́нный;

ра́дуйся, святи́телями за единомы́сленную с
ними ре́вность просла́вленный.

Ра́дуйся, му́чениками за списа́ние страда́ний
и́х увенча́нный;

ра́дуйся, преподо́бными за подража́ние и́м во
вся́ком благоче́стии и чистоте́ постом и
моли́твою к ли́ку и́х причте́нный.

Ра́дуйся, пра́ведниками за высоча́йшее твоё
смирёние и труды́ превознесённый;

ра́дуйся, от все́х святы́х ра́достными
приве́тствиями усрета́нный.

Ра́дуйся, Правосла́вия ревни́телю;

ра́дуйся, ду́шепа́губных раско́лов
искорени́телю.

Ра́дуйся, Дими́трие, но́вый и вели́кий
чудотво́рче.

Конда́к 9

Вся́кия бе́ды, ско́рби и напа́сти избавля́й на́с,
свя́те Дими́трие, твои́ми к Бо́гу те́плыми
моли́твами и потщи́ся дарова́ти на́м вре́менная
блага́я, к жи́зни потре́бная, и ве́чная, да с тобо́ю
ку́пно в селе́нии пра́ведных воспоём Бо́гу:
Аллилу́ия.

И́кос 9

Витийство челове́ческое не возмо́жет изре́щи дово́льно коли́чество благода́ти Бо́жия, излия́нныя на тебе́, свя́те Дими́трие, но любóвию твоёю побежда́еми, дерза́ем воспева́ти тебе́:

Ра́дуйся, насади́телю благих;

ра́дуйся, искорени́телю злых.

Ра́дуйся, чистоты́ селение;

ра́дуйся, печальных утешение.

Ра́дуйся, отчая́нных заступление;

ра́дуйся, сирот пита́телю.

Ра́дуйся, оби́димых предста́телю;

ра́дуйся, преподо́бия и пра́вды и́стинный храните́лю.

Ра́дуйся, пресве́тлый сто́лпе о́блачный, просвеща́яй мно́жеством чуде́с;

ра́дуйся, о́блаче росно́сный, погаша́яй пла́мень страсте́й.

Ра́дуйся, Правосла́вия ревни́телю;

ра́дуйся, душепа́губных раско́лов искорени́телю.

Ра́дуйся, Дими́трие, но́вый и вели́кий
чудоотво́рче.

Конда́к 10

Спасти́ хотя́ ду́шу, о плóти твоёй неради́л еси́,
но посто́м, бде́нием моли́твами и
непреста́нными труда́ми плóть твою́ удручи́л
еси́, я́ко в тимпа́не, во умервщле́нии телесе́
благоприя́тно Бо́гу вопия́: Аллилу́ия.

И́кос 10

Стена́ еси́, огражда́ющая от все́х бе́д, усердно́
тя́ в по́мощь призыва́ющих, святи́телю
Дими́трие, я́ко во все́х страна́х Росси́йския
держа́вы я́сно пропове́дуются оби́льные чудеса́,
бы́вшая у цельбоно́снаго твоего́ грóба. Сего́ ра́ди
ублажа́ем тя́ си́ми:

Ра́дуйся, ча́ша, источа́ющая на́м елей
ми́лости Бо́жия;

ра́дуйся, больны́х исцелё́ние.

Ра́дуйся, немощны́х подкреплё́ние;

ра́дуйся, страждущих ско́рая по́моще.

Ра́дуйся, претыка́ющихся о ка́мень собла́зна
наста́вниче;

ра́дуйся, оби́димых заступни́че.

Ра́дуйся, омраче́нный просвети́вый;
ра́дуйся, просвеще́нный утверди́вый.
Ра́дуйся, расточе́нная собра́вый;
ра́дуйся, к небе́сному немерца́ющему све́ту
направивый.

Ра́дуйся, Правосла́вия ревни́телю;
ра́дуйся, душепа́губных раско́лов
искорени́телю.

Ра́дуйся, Димитрие, но́вый и вели́кий
чудотво́рче.

Конда́к 11

Пе́ние немол́чное прине́сл еси́ Пресвяте́й
Тро́ице, свя́те Димитрие, о́во мы́слию, о́во
гла́сом, о́во сло́вом, о́во благо́творениями. И
ны́не предсто́я престо́лу Божество́нному, моли́ о
воспева́ющих о тебе́: Аллилу́ия.

И́кос 11

Светоза́рное твоё уче́ние, ум небе́сный
явля́ющее, подтвержда́емое ны́не нетле́нием
моще́й твои́х и мно́жеством чуде́с, явное и
действи́тельнейшее сре́дство дарова́
Человеколюби́вый Бо́г на обли́чение
ерети́чествующих и на утвержде́ние

правосла́вных. Ны́не святы́м и медото́чным
твои́м уче́нием упоённые, с благода́рным
чу́вствием вопи́ем ти́:

Ра́дуйся, учи́телю премудры́й;

ра́дуйся, па́стырю предивны́й.

Ра́дуйся, испове́днице непоколеби́мый;

ра́дуйся, о́ко слепы́м.

Ра́дуйся, нога́ хромы́м;

ра́дуйся, рука́ безпомо́щным.

Ра́дуйся, главо́, напо́лненная небе́сным
уче́нием;

ра́дуйся, ла́стовице богоглаго́ливая.

Ра́дуйся, исто́чник златостру́йный;

ра́дуйся, цевни́це духо́вная.

Ра́дуйся, Правосла́вия ревни́телю;

ра́дуйся, душепа́губных раско́лов
искорени́телю.

Ра́дуйся, Дими́трие, но́вый и вели́кий
чудотво́рче.

Конда́к 12

Благода́ть, да́нная ти́ от Бо́га, цели́ти недуги́
телесные и душе́вные, свя́те Дими́трие, созыва́ет

отвсюду почитающих явление твоё и чающих тобою получить просимое от Бога. Темже и мы, припадая со умилением молим тя, избави нас от зол греховных, да благодарно Ему воспоем: Аллилуия.

Икос 12

Поюще твоя чудеса, святителю Димитрие, восхваляем Бога, даровавшего тебе таковыя силы исцелений. Ты же не возгнушайся нас, грешных и недостойных рабов Его, но услыши нас, во умилении вопиющих тебе сице:

Радуйся, света неприступнаго зрителю;

радуйся, Жениху Христу светел светильник сохранивый.

Радуйся, душевредное уныние от себе истребивый;

радуйся, жестоким путём райских селений достигший.

Радуйся, нищетою богатыя стяжавый;

радуйся, смирением получивый высокая.

Радуйся, теснотою пространство вечно снискавый;

ра́дуйся, поноше́нием Христа́ ра́ди ве́чную с
Ни́м сла́ву прия́вый.

Ра́дуйся, от Святы́я Трои́цы увенча́нный;
ра́дуйся, не гада́нием, но лицём к лицу́ Бо́га
смотре́яй.

Ра́дуйся, Правосла́вия ревни́телю;
ра́дуйся, ду́шепа́губных раско́лов
искорени́телю.

Ра́дуйся, Дими́трие, но́вый и вели́кий
чудоотво́рче.

Конда́к 13

О, вели́кий святите́лю Дими́трие, раско́лов и
ересе́й искорени́телю! Приими́ си́е похва́льное
пе́ние и моли́ Всемогу́щаго умири́ти ми́р и
спасти́ ду́ши на́ша, все́х правосла́вно
Триипоста́сному Бо́гу вопию́щих: Аллилу́ия.

Этот конда́к чита́ется трижды, затем и́кос 1-
й и конда́к 1-й.

Моли́тва

О, всеблаже́нный святите́лю Дими́трие,
вели́кий уго́днице Христо́в, златоу́сте
Росси́йский, услы́ши на́с, грешных, моля́щихся
тебе́, и принеси́ моли́тву на́шу к Ми́лостивому и

Человеколю́бцу Бо́гу, Ему́же ты́ ны́не в ра́дости
святы́х и с ли́ки а́нгел предстои́ши. Умоли́ Его́
благоутро́бие, да не осуди́т нас по беззакони́ям
на́шим, но да сотвори́т с на́ми по ми́лости
Свое́й, испроси́ на́м у Христа́ и Бо́га на́шего
ми́рное и безмяте́жное жити́е, здра́вие душе́вное
и телесное, земли́ благопло́дие и во все́м всякое
изобили́е и благоде́нствие, и да не во зло́
обрати́м благая́, да́руемая на́м от Ще́драго Бо́га,
но в сла́ву Его́ и в прославлéние твоего́
заступлéния. Да́руй на́м богоуго́дно преи́ти
по́прище вре́менных жи́зни, изба́ви нас
возду́шных мыта́рств и наста́ви нас на пу́ть,
веду́щий в селéния пра́ведных, иде́же
пра́зднующих глас не́преста́нный, зря́щих
Бо́жия лица́ неизрече́нную добрóту. Це́рковь же
святу́ю от ересей и раско́лов сохрани́, ве́рных
укрепи́, заблужда́ющих обрати́ и все́м да́руй вся́,
я́же ко спасéнию и сла́ве Бо́жией подоба́ющая.
Оте́чество твое́ сохрани́ от враго́в ненавётно, но
побора́й ору́жию крестонóснаго во́инства, и
пода́ждь на́м все́м твое́ архипа́стырское и
свято́е благословéние, да о́ным осеня́еми,
изба́вимся от ко́зней лука́ваго и избе́гнем от
вся́кия беды́ и напа́сти. Услы́ши моле́ние на́ше,
о́тче Димит́рие, и моли́ не́преста́нно о нас

Всесильнаго Бѣга, славиимаго и покланяемаго в
Триѣхъ Ипостасехъ, Ему́же подобаетъ всякая слава,
че́сть и держа́ва во ве́ки веко́в. Ами́нь.

